

四庫全書

集部

欽定四庫全書

御製詩三集卷七十四

古今體一百四十三首

戊子六

即事

昨夜雨如霏既霑既足佳晚來雲散宇午卓日臨階霽

景暢宜目農功悅滿懷天中豈虛度

是日端陽以齋居不陳節事

志

慰得虔齋

題靜怡軒

惟靜致心怡怡非靜所知詎因耳目適要在雨暘時松  
籟輕含爽花珠馥綴滋休言萬幾暇益勵九歌思

敬勝齋

中禁此精廬寧惟容膝餘省心惕白日切已奉丹書映  
砌榴花放插門蒲葉舒齋居屏宴賞摘句興堪攄

碧琳館

假山何礙植真筍新筍成林粉籜香恰值河源初過雨  
永珠銀綴綠琳琅

三友軒

喬松恒落落新筍已亭亭雖是梅子候無妨通體馨

宜詩著句况有畫傳形

軒中弄曹知白十八公圖元人君子林圖宋元梅花合卷因以

命名而窓外亦植松竹梅三種

即景思三益堪為砥錫型

靜室

齋居底是宜靜室愜心期日永疇咨罷幾間書史披庭  
深却暑氣樹密有涼颼神謚存誠敬非耽空寂為

題丁觀鵬白描十六羅漢卷

大海湯湯浴烏兔不風千丈波堪怖有應真者凡十六  
遊戲於斯亂而渡借問上人何自來又復渡將何處去  
徒使天龍鞠脰迎渤馬解牛紛作馭神通即是不了義  
莫若常向箇中住

觀鵬此日之雲鵬又復氏族同為丁疑是三生薰白業  
解與淨土傳真形五百羅漢我作記未免綺語談三乘  
此則二八不言說有形無色神亭亭記亦非多畫非少  
如是如是忘所能

夏至日

方澤壇禮成述事

大禮歲躬行

殷裡舉質明撫時逮相遇利物沐

安貞圓爵虔三獻

方壇奏六莖告成應有退不盡是衷誠

細雨

五月初  
八日

細雨時晴時灑絲雨晴此際實皆宜遐情却繾齊連豫

麥後晚禾待澤遲

近畿所屬於本月初三初四兩晝夜大田渥被甘霖惟山東河南撫臣以

次奏到前此節經得雨麥收約計八分早苗亦已漸長而月初晚稼正待播種望澤頗殷不知日來曾否霑露批諭迅即馳奏以慰廑懷

題和闐玉溪橋策杖圖

捨舟徒步過巖隈肩棹漁童歸去來絕頂相期深夜後  
四更吐月始言迴

石橋欲度且逡巡

去聲

愛泉聲清聽

去聲

頻何必世間傳

姓氏斯人合喚玉為

平聲

題高克恭山水

雲容疑吐獸雨意欲垂空  
喬樹潤如滴孤峯勢獨雄  
許

渾句已契米芾法真同詎是珍希見

房山真蹟石渠寶笈中不多見

偏

欣氣韻充

仲夏玉泉山

香山廻蹕昨經過進輦忽忽句未哦

四月望前靜宜園迴蹕道經玉泉山

因詣暢春園恭請

皇太后安未暇久憩又

駐香山時得詩已六十餘篇過此遂不復留詠

此日清

遊值幾暇薰風暢好詠卷阿佈涼樹蔭依簷密過

去聲雨



花香傍砌多西望靜宜

香山園名

脩改觀

去聲

綠雲叢擁遠尖

螺

甄心齋

人生受天地之中受中生更心為宗有如綠水月印空  
不著一物無不通澄徹光明萬理融溪齋俯仰得所同  
誰能甄者惟鴻濛

湛華堂

樸室近臨溪水清橫拖練影湛虛明河源恰似天孫錦

不是人間機杼成

寫琴廊

處處有流泉曲廊綴景便聽知五音具寫似七條然激  
越勢雖爾和平性自宣徵招常在念奚藉問成連

弄珠室

玉泉實巨源山前湧靈液其餘數無萬繞山淙石隙是  
處淙最多構室倚巖壁曲廊似雲匡中圍月輪白無須  
方諸映珠光噴乳脉藏淵媚圓流妙義思古昔

心遠閣得句

縱目偏欣騁望通  
敞軒迴據翠枰崇  
予心遠固不在此  
四海民艱一念中

清眺亭

虛亭倚碧山  
登眺趣清閒  
夏仲雲濃葉雨餘  
水漲灣稻秧溪町裏  
麥種圃場間  
稍覺青黃接  
因之一解顏

題靜益書屋

一靜諸緣空  
惟空萬有宅  
試看大地與山河  
皆住空中

弗逼仄是屋方不逾十尺納景無窮那嫌窄峰圍林邏  
實靜哉集虛義玩謙受益

積書巖

室倚崇巖號積書芸編插架古香舒五車富有非誇彼  
兩字躬行實愧予

倚晴樓

背巘復臨池書樓樸斲為常時不頻上此日愛晴披葉  
態翻輕籟花光受暖曦麥收方在即霽景正相宜

題涵漪齋

水榭近池塘，窓含潋灩光。  
月來相鏡鑑，風過自文章。  
荇葉全舒藻，荷花欲吐香。  
揆牋時對處，得句亦非常。

岑華閣

豎峯巖嵒復玲瓏，冠頂軒齋四望通。  
體物試尋相稱去聲句，芙蓉一朵擁琳宮。

練影堂

遠自香山引迴從，玉巘垂林離掛簷。  
角宛轉赴溪湄，那

藉人工織居然練影披如將擬漢史明德有芳儀

自玉河泛舟至石舫

膝處遊消半日間足酌清興可云還畫船六棹如舒翮  
柳岸縈紆歷幾灣

數頃溪田碧水盈稻秧過雨正宜晴鷺飛阿邨輕烟外  
又聽山村打麥聲

竹籬風送棗花香漁舍蝸寮肖水鄉陌上從新桑葉長  
新絲纔得過蠶忙

明湖潏沔廓無邊陸緯艱行水緯牽石舫渾成繫舫處  
輕輿早候柳塘前

題李唐煙嵐蕭寺圖

已開南法秀尚具北宗雄斟酌誠無善精神是獨工泉  
聲疑瀲灩烟氣鎮濛濛付與芟芻侶招提坐悟空

定窯磁枕

磁中定州猶椎輪丹青弗藉傳色紛懿茲方枕質樸淳  
蛤粉為釉鋪以勻鉛氣火氣淨且淪粹然古貌如道人

通靈一穴堪眠雲信能忘憂能怡神至人無夢方宜陳  
小哉邯鄲漫云云

短歌行

鳬脰良短不為續求鶴脰縱長斷之則憂俄啗俄逃鳥  
獸適其俄茁俄蕭草木豈知芒芴之間變而有氣一往  
一來屈信生利與狐謀棗與羊謀羞狐遁羊藏是謂愚  
不

泛月二首



今歲節候早夏五如六月傍晚因乘涼耐可蘭舟發湖  
心風更爽山西日已沒皓魄在天中清光鑑毛髮無心  
成夜遊徘徊廣寒闕

樹蟬弄聲細草螢作光小冰輪與寒謀暑薰一以埽入  
水激金波溶潏復晶皎水風轉覺涼紗衣添亦好載月  
故夙緣便宜一月早

題錢維城山水十二幀

蘆汀迴鴈

春水初生鴈已迴  
新蘆戟戟刺波纔  
沙汀柳岸夫何處  
趙北橋頭憶見來

溪榭春晴

小榭臨溪清且嘉  
春烟淡蕩隔川斜  
遠村桃李初將放  
掩映烘成一片霞

曲徑開雲

詰曲山蹊絕客來  
巖齋斧木據崔嵬  
白雲縱是閒歸岫  
蕭蔚林闌卒未開

山亭清曠

孤亭迴據一峯巔雲去惟餘清曠天佳句問誰於此得  
祇應斗酒李青蓮

煙嵐欲霽

近林欲霽辨村容遠岫歸雲勢尚濃  
那論房山與海岳  
高峯南北憶曾逢

喬柯秀竹

突兀喬柯瘦倚天飄蕭秀竹細娟娟  
白家少傅皤然老

樊素何妨正少年

柳磯幽致

背峙層峯聳隱嶙  
虛亭谷口俯滄津  
主人設問為誰氏  
合是當年鄭子真

峭壁踈林

踈林不綴寒村景  
峭壁疑干碧落霄  
雅似道人曾次裏  
曾無一物祇清寥

雲湫垂練

曲岬層巒拔地奇側峯垂瀑練光披恰如高士出塵想  
有帶弗圍翳置之

松棧穿流

對面堯峯有萬尋長谿洶渚落斜斟茅菴誰結松雲棧  
泉石之間聽八音

秋原旅興

驢背伊誰客路遵打頭楓葉落來頻何時旅况易消遣  
祇有秋光越動人

寒林平遠

古樹孤亭秋氣深蕭疎老筆效雲林分明別具有神解  
好向意無盡處尋

讀杜牧集

茂學本工文清辭每出羣雖稱有奇節未覺副高聞錦  
字常懸壁朱樓喜夢雲

二語點竄  
牧之句

所輸老杜者一飯不

忘君

庭前藤蘿花復開因題句

紫雲爛過春白雨盛逢夏澤優根復壯重開花滿架離  
披清露晨輕盈明月夜稱休則何必言咎亦可罷僥倖  
值頻榮畢竟還易謝

蓬島瑤臺八詠

石岸

鏡中懸樓臺四圍壘石岸如取石以歸支機擬天漢奚  
必資徐福駕舟溟渤亂

紗疏

紗疏一幃虛水風五月爽納來心境涼憑處內外朗疑  
彼佺喬翁留此雲霞斲

庭松

當庭兩株松卅年前所種蒼鱗已作龍翠蓋欲舞鳳千  
載詎可量付與仙人弄

晶窓

玻璃卽水晶

水晶有生於石者亦有西洋燒煉而成者

廊長有所過糊窓堪

縱目萬景當前羅金山高閣上陡憶俯江波



玉屏

玉片惜餘材百衲成一屏  
瑤臺瓊室間清防圖滄溟永  
懷漆器喻吾心斯未寧

瓷雞

誰將陶氏瓦易以越州瓷  
雖無司晨用亦有承露姿  
樓同皂莢樹劉放猶堪嗤

月臺

月臺臨滄波如月纔湧海  
八鴻豈伊遙三壺斯宛在公

遠實小哉擲杖銀橋待

相風

金烏棲屋頂旋轉驗風色  
弗竿用則同具翼飛豈得方  
士每迴舟此物安能識

解愠書屋

書屋取樸不取華墨壺琴薦本一家  
數日弗雨炎正熾薰風習習入窓紗  
入窓雖薰亦覺爽既靜而深虛且朗  
書史外無別可娛循名便以興遐想  
遐想虞帝歌南風

茅茨詎比精室同猶然勅幾欽夙夜撫此豈不慙深衷  
深衷景仰明有在欲從末由所以乃操縵安絃之未能  
固知民愠其奚解

靜香館

庭植幾竿竹蕭蕭引籟涼既深斯致靜不艷乃生香嫩  
葉剛如幕新枝已出牆偏宜月初上斜入影寒光

蹈和堂

履貞濟徽懿率禮守安詳永念兒寬對非循支父方殷

勤樹禽語自在砌花芳  
協序惟暘雨消閒有縹緗

綠稠齋口號

綠葉看來日日稠  
滿庭嘉蔭翠光浮  
祇欣炎熱無從到  
那識白駒影若流

題耕雲堂

自春徂夏暘雨時  
陸田溪町胥興犁  
山堂今日真副望  
綠雲近遠芄芄麥  
收後當佈晚種目  
前渥澤盼及期  
遠天礮聲雷聲發  
艱致大霈霏細絲  
隴蜀之情人盡有

覺我獨甚還自嗤

引涼小樓

頗苦燄蒸欲引涼小樓眺遠意蒼茫官軍冒暑方于役

緬夷未靖官軍赴滇南者計程多在黔楚之間楚水黔山道路長

豁如室

目謀欲豁如闢門緬重華胸次欲豁如色荒弗遺遐書  
室義兩具均虛外不遮而況以無心妙理迴莫加小坐  
玩深趣寧止納景嘉

題靜虛齋

怪石羅曲徑新筍發翠枝散步欲小憩書齋此恰宜適  
可素几憑於焉古帙披邇日熾炎燭箇中如不知心靜  
自然涼白傳豈我欺

合翠軒

柯迴與枝低一時綠盡齊是誰張廣幕正爾翠幕橫題曉  
露承來潤晚禽歸欲迷雖階豈可望空此對萋萋

觀雲榭口號

數片空中甫佈陰幾迴仰望復低吟試詢敞榭觀雲意  
今日惟殷大作霖

明漪樓

層樓近碧池階祀漾明漪自具文章旨相資淡蕩思雙  
雙下鳧子箇箇躍魚兒俯仰皆天趣還從鏡裏披

深寧堂

赤日高懸暑不禁扇揮白汗尚如淋心神忽爾寧何故  
乃悟書堂靜且深

自遠軒

心遠地自偏地偏心自遠  
相需相得彰淵明語猶隱然  
吾請進之出處不同軫為彼畸人言  
逸致自無損廟堂  
勤治理高閒豈敬謹  
言與正人方當引而近寓意偶  
不妨是以名御苑

唐寅清泉高蔭圖

坐就佳陰俯碧泉  
有琴置側若無絃  
由來此意足千古  
奚論日長如小年



再題和聞玉煉藥仙人圖

不教巧琢費工夫畧藉天然成畫圖大壑鴻濛圍玉帶  
嵌巖蕭兀守丹鑪泥沙便可同龜曳蓬闌由來亦狗芻  
紅粟通身道人醉騎鸞笑煞倩誰扶

沈周石壁流泉即用其韻

流泉鳴卽是心鳴誰瀉銀餅向下傾如曰不聽可免聒

未知有耳那無聲

周自題云水聲到耳聒不了耳到不  
聽卽有聲是猶有耳在故反其意

橘瓜辯

晏嬰併食橘見誚進詭辯  
爪桃不削析橘柚不剖剪  
人主賜食禮其然出何典  
橘柚桃猶可爪皮厚奚遣  
又如晉陸績懷橘墮地宛  
跪答欲遺去聲母袁術誇噐遠小兒  
喜食物其常固不免造次託諸孝  
雖智非誠歟二詐明豈難何不先言顯欲蓋乃彌彰尚有人稱善

雜詩三首

麥收未定時懼雨致回青  
麥收既已定望雨禾黍榮  
無過半月間頃爾異情形  
倉箱登八分青黃接濟成  
亟冀

沛渥霖其奈廿日晴

赤曦暴中天一日似兩日  
返思收麥際畏霖心若失人  
顏信難從自我他可律三代  
殊所尚漸下文勝質今去  
周更遙瞠乎政何出

春花多木榮夏花多草本木榮或結實草本徒丹粉丹  
粉玩悅目結實餐供吻草木同植生用無用殊蘊格物  
漫求遐邇理原呈近

題金廷標溪橋策蹇

小橋流水建瓴聲  
驢弗前行僕拽行  
不似王尊當叱馭  
如斯冒險又何營

山東巡撫富尼漢奏報得雨

夏五初旬此霑澤山左澤稀為

去聲

縈望侵尋此間亦缺

雨麥後待種同彼狀今朝幸接驛章馳四寸嘉霽均叨

既

東撫摺奏武定曹州先後得雨濟南於五月廿二日  
得雨二寸廿三日未申二時甘霖大霑入土四寸遠

近均  
霑

豈不額手顧彼慰旋因顧此增惆悵吐我復覺吾

言失彼此吾民那偏向安得寰海雨暘時願益奢我愁

益諒

題文伯仁溪靜山深圖

水抱山環隔世塵茅堂據膝足延賓  
溪橋前後來相訪總是雞豚社裏人

題方琮溪邊策杖

密竹臨溪徑入深何人策杖獨行吟  
思量大似雲栖路

著箇孤亭即洗心

洗心亭雲栖寺入路  
夾徑脩篁致人愛賞

捕魚

捕魚可致雨諺語為去聲試諸釣網非素好鱗類滋御湖

解一其間善惡混善存惡當除善者鯉與鯽惡者鱧及鰕

解二罟師豈能別一網收無餘胥命置諸前分別去取殊

解三鯉鯽命放去鱧鰕賜衆漁行賞仍有頒邪許羣歡呼

解四別有鯈魚種嚙草勝耘鋤東園藻荇多俾食此種需

解五生獲生縱之中廐外廐如憐其入網時重活寧所圖

解六鯈魚適所安藻荇去其蕪一舉而兩得解悶聊為平聲

解七娛舉頭赤日烈縷雲翻盡徂雨占豈其然迴舟以嗟

吁八  
解

六月朔日詣

黑龍潭祈雨四首

春夏頻霑渥雨霏

靈潭將謂可無祈  
廿餘日已缺甘澤  
籲禱仍茲策六駟  
麥收稱稔惠叨

天亟望優霖潤大田  
夾路黍禾綠雖蔚  
越因可冀越殷然

至止

潭祠步玉梯  
潔壇宣錄道  
流俟但希膏  
霽應時霈  
遑論  
無稽與有稽

半夜雲濃曉勢輕  
辰牌山復吐  
英英鋪空終是艱  
致雨  
漫著歸鞭意益怵

方琮風雨歸舟圖

蕭蕭風雨寫歸舟  
因事希將解我憂  
未識僧繚術靈否  
徒教即景益增愁



溪亭對雨

六月初二日

曉望英英佈漸覃略飛細點止難堪間

去聲

零歷午終艱

霈快灑當申似欲酣對處溪亭修又歇憑來隼兒祇增  
慙西南晚復雷聲作曷患庶幾徹夜甘

夜雨

傍晚西南族雲起迅雷驅雨湏臾底列缺投壺玉女笑  
豐隆輶車旬駢祝融炎威洗若無上下左右飛寒水  
疾勢漸過徐勢繼饜飫優游徹夜委曉來京兆報優霑

此語誠然不虛矣

陸治採芝圖即用其韻

石梁飛度入煙霞採得金芝燦九華試問仙人駐年藥  
何如佛手破顏花

恭奉

皇太后御園賞荷之作

甘雨既霑渥芳荷正向榮允宜承

懿豫總為

眷予情風靡花間吐露珠葉上擎收來沃仙茗進

御祝

長生

季夏討源書屋

昨日迎

遊今問

安千秋萬歲奉

慈歡書齋清曉仍咨政客夏流陰瞥眼看

撲鼻池荷送淨芬  
金猊底藉水沈焚  
何妨弗雨雨亦可  
恰復西山罩白雲

題鑑遠堂

窓含潁沆碧湖虛雲影山光總鑑諸萬頃  
煙波出擬議一心四海遠何如

會波樓卽事

高樓湖中央四面波光會湖曠入山多夏永延風最疏  
別憶當年或慮潞水大邇來灌溪田較前乃十倍<sup>叶</sup>樂

成艱謀始人情亦奚恠

昆明湖泛舟觀荷

踰月昆明未泛漪此來雨後正荷時

首夏自玉泉山廻蹕經萬壽山有分

付昆明湏少待荷時當興試吟篇之句

清芬遞似酬詩約淨植亭真入畫

姿不許黃頭急撥棹恰宜青雀盡褰帷  
譬如左右皆君子相對寧當無一辭

寄瀾堂

舟泛覺多時書堂湖北涯恰宜成繫纜  
仍復與開帷

几原供凭輕輿亦命移觀瀾向來意聊可寄於斯

石丈亭

傑豎亭亭擬丈人不知為主抑為賓恰如杜老凌絕頂

獨倚高峯小世塵

泰山有丈人峯

雲松巢

松與雲為蓋雲依松作巢形容渾是幻氣韻本相交  
淦淦平鋪谷童童近潤坳朝陽光曜處垂露滿喬梢

借秋樓

樓前種楸樹疎葉翻風開瞻題曰借秋其名已久哉我  
遊方盛夏涼意頗滿懷俯首憶代謝迅矣其遷推秋  
光那用借試看衮衮來

留佳亭

溪亭八柱映波虛兩字簷題足起予目見耳聞食無盡  
每當佳處合留餘

佇芳室

階基近臨池池中水華美襲風淨香聞微露清光靡一

室如玉壺佇芳皆瓊蕊俯仰眄雲天徘徊友君子

題味閒齋

山北書齋倚翠巒味閒是我額簷端寄情寓物斯猶可  
責實循名有未安

清可軒

登階原赤夏入軒如金秋山陰復崇岩故致涼氣浮開  
窓亦北向滿谷禾黍稠斯實可予意詎獨清遠眸此後  
雨暘時庶得農望酬



香品室

峭壁接牝洞宛轉迴廊通廊窮入品齋毛髮颯涼風適  
來暑如失玉壺冰貯中大士坐香臺繽紛花雨濛洒然  
難措辭內空內外空

靜佳齋口號

瀟洒山齋號靜佳日長無暑蔭高槐月餘偶到到即去  
誰識小年此暢懷

袖嵐書屋

夷峻得佳處書屋築數間林嵐相環抱雲霞與往還西  
窓糊玻璃一幘納西山雨後翠螺濃騁望省躋攀鐘聲  
落遠寺山僧何其閒

構虛軒自警言

層軒雅似構於虛思義由來足起予忠論謹言受有益  
九州四海蘊無餘

唐寅寫王維詩意

既學摩詰畫還圖摩詰詩

寅自寫王維鳥鳴磬詩於圖中

徒懷慕蘭彼

不失得羊斯

夜雨

六月初五日

夕雨既綢繆夜雨復陸續三朝連放晴起耕想已屬時  
行正斯時歌枕聽優渥滴蕉疎鳴琴落簷急喧瀑新秧  
茁乍滋舊苗長益速休徵顙此後庶可屢綏卜

詣

黑龍潭謝雨

仍步層階致敬寅夜霖曉霽颯風披誠申

佑感真云幸祈慎謝踈詎是宜萬頃迴蕪望甫野

兩朝蠲潔緬豐碑陽臺真氣在襟袖

大覺寺山名陽臺

便可乘

涼遊轡移

遊大覺寺禰詩

山行宜步輦迤邐細路通路傍彌良田綠蔚黍禾風一  
雨生意佳撝賴造化工遂過白家灘村民多力農爾我  
誠何幸屢綏又冀逢

右白家灘

埤垵棲絕頂當年曾一攀欲陟虞衆勞望寄霄漢  
間山下多果樹秋實市闐闐山上有古寺花宮龍象間  
底事護卿雲

義畫題簷端

康熙年間  
譚於此寺有

皇祖每駐  
賜額

右城子山

言至招提境遂過功德池石橋亘其中緩步虹梁躋一  
水無分別蓮開兩色奇右白而左紅是誰與分移

右石橋

佛殿邊傍精舍存肅瞻

聖藻勒楣軒四宜春夏秋冬景了識色空生滅源

大覺寺

皇考潛邸時曾與重修  
四宜堂即賜題也

右四宜堂

笠亭樓嵯峽如鳥翥翼然層峯屏峙後流泉布瀑前山  
水之趣此領要付與山僧閱小年

右領要亭

雲豈解勞逸而用憩息為我適來山軒見彼寫楹時我

憩雲亦憩此意誰能知回首語必芻莫擬說禪詩

右憩雲軒

山半湧天池淙泉吐龍口其源遠莫知鬱葱壘固數不  
溢復不涸自是靈明守像設坐巖樓致禮乎盈缶利物  
神信能格誠吾何有

右龍潭

古柯不計數人圍葉茂孫枝綠蔭肥世外滄桑閱如幻  
開山大定記依稀

右銀杏

溫日觀蒲萄

幾枝風片幾枝玉一顆露囊一顆珠試問頭陀慣遊戲  
箇中佛法有還無

溪亭對雨

六月初八日

曉雲輕散午雲濃乍失西山萬疊峰灑玉噴珠方落落  
傾江倒峽遂重重

雨落平溪溪欲立溪吞驟雨雨如無岸傍著箇溪亭好



坐對瀟湘煙雨圖

六律宮商聲若合三千世界色如銀  
卽斯聲色擬擬地洗盡人間萬斛塵

摩醯

數上聲  
數去聲

笑無能恰似銀河瀉玉繩  
宣命林丞須

細問昆明湖水幾多增

晚晴落照

急雨清煩暑晚晴輝返照似此晴雨時  
誠非意所料意愜在宜農餘暇聊吟眺  
林葉低翻明水風爽舍峭便可

放輕舟弦月中耀

泛月

雨過天如洗湖寬月有容平鋪上下鏡倒映兩三峯拂  
棹金波渙濕衣玉露濃不須絃管奏筆硯足清供

題鄒一桂花卉冊

梅

冰作精神玉作花疎英點古榦槎枒枝頭麻雀雙棲處  
香夢初醒月欲斜

桃柳

灼灼桃花霞蔚興三年誰解飯山僧柳條並寫非無意  
挽住韶光借爾能

梨

月下風前態孌怡不香莫慢致相嗤飛來白燕如呼侶  
欲認無端又自疑

紫藤

芳萼當春綴紫瓊臨風偏覺態盈盈由來柔物工依附

我亦因之識世情

蘭

清香淨色若堪捫伯仲之間蕙與蓀底事幘中纔數朵  
恐防九畹嘆王孫

茉莉

枝間摘取玉丁星蓄眼芳姿歎鼻馨  
那更小扇撲流螢

夜來香

鍼神屏

上聲

燭妙工勤饒有奇香拂檻芬都道魏宮夜來

好誰知本喚薛靈芸

翠雀

居然眼翅如生動曉露承來吐細芬便有遊蜂欲採蕊  
何妨物類本同羣

萱

黃華綠草足風流翠雀翩然可作儔正值暑天暘雨若  
便非樹背也忘憂

桂

荷讓夏兮梅讓春秋風獨占許誰隣團團壁月懸為鏡  
相映伊人自寫真

蠟梅

珊瑚心簇琥珀瓣欺雪凌風郁烈香誰識黃家合氣韻  
自茲名色始羶鄉

驟雨

六月十一日

午熱思涼雨西南泄突雲天珠纔噴灑急陣遂翩紛立

挂簷齒瀑忽藏峯面紋渥霑仍快霽宜稼特殷勤

即境

雨來風送之雨過風含爽邇來風亦稱去聲人意不似望

雨時對風威戚愁鬱快人自有好惡風本無偏黨即境  
展轉情每遷是安得謂能涵養

泛平安月鏡舟因題

霞照未云殘蟾光已耐看鏡煩新雨洗輪較昨宵寬遠  
嶠入清影微風漾細瀾御湖即寰海胥此願平安

月鏡水中央  
光含淦淦涼  
自然宜玉宇  
那是鑄軒皇  
適可良遊止  
漫窮清夜長  
西南雲又起  
便雨正何妨

夜雨

六月十一日

酣放優傾有是乎  
隔窓聽覺衆聲殊  
五音六律此繁會  
稻下黍高總渥歌  
枕忘言聊想像披衾動慮復踟躕  
皇畿齊晉胥霑矣  
祇繾河南霑也無

夜雨朝晴

夜雨復朝晴  
真稱時若亨  
籌農宜稼穡  
勤政對公卿

是日



御門  
理事  
顓俊思賢人勅幾戒滿盈陡懷河南北望澤為去聲

怵怵



御製詩三集卷七十四

欽定四庫全書

集部

御製詩三集卷七十五

六

詳校官侍郎<sub>臣</sub>謝墉

助教<sub>臣</sub>常循覆勘

總校官原任<sub>臣</sub>王燕緒

校對官庶吉士<sub>臣</sub>張九鐔

謄錄監生<sub>臣</sub>章玉植

欽定四庫全書

御製詩三集卷七十五

古今體一百三十九首

戊子七

河南巡撫阿思哈奏報得雨誌喜

邇日西南雲氣重庶幾豫省被優霖披章果報均霑澤

阿思哈奏五月下旬及六月初一二等日各屬節次得雨尚未普遍霑渥迨初七日自午迄亥甘霖暢霈入土至五寸餘早禾晚稼並冀有秋越初八日繕摺時彌望濃陰勢猶未已批諾方稱略慰心

早種去聲生機迴黍稷新耕綠野出蒼黔設無此雨將成

歟慶後還因惕不禁

題方琮山水

溪堂賢主復佳賓相對無言會以神  
野約尺餘支谷口不教容易過蒲輪

雨中泛舟

六月十四日

午熱尋涼聊泛舟東南天末起雲頭  
須臾礮礮催飛雨瀕洞鴻濛卒未休

豎灑橫排快且雄千軍斫陣勢相同  
撐篙撥棹舟人窘

却喜詩成片刻中

咫尺樓臺忽若藏  
水天上下合蒼茫  
向來炎暑敲何處  
披得生衣幾許涼

碕岸環隄總瀑流  
荷花荷葉濕垂頭  
平湖不覺增新水  
祇覺歸舟迅且浮

映清齋

驟雨打池荷  
荷珠紛落水  
荷清水亦清  
映心澄且泚  
入畫宛欲活得句  
渾忘綺澹懷合洞  
明靜觀徹表裏  
何須

遠求仙蓬壺祇尺咫

晴望樓

快雨還欣遇快晴登樓騁望愜遙情  
黍高稻下都芄綠  
蕎麥初看趁伏耕

抱樸草堂

溪環山復圍於中  
搆草屋矮墻砌塊石  
曲徑植脩竹為  
屋亦弗多其名曰抱樸  
既覺悅素心更以暢  
遙目常携  
淵明詩小坐便把讀

虛明室

虛則有容明不蔽於凡為切切為君書憲小坐試返已  
未信斯之古所云

澹然書屋口號

小齋臨小池偶來輒暫住亦有天水光豈無滄洲趣畫  
家咫尺論萬里告彼應憑此間悟

松簣館

夾徑有喬松年深翠色濃辨音孰師曠應律自林鍾詎

惟清耳目實足冷心胃飛雲挾雨過墜露尚重重

池上居

夏日愛居池上居水風含爽度紗疏展圖恰對景清候  
得句多於神謚餘隔院閒常聞唳鶴憑欄坐可數

上聲遊

魚芸編翻不因博古無逸數

去聲

言足起予

題觀疇樓

小樓非齊雲亦自高出樹開窓眇平疇良苗蔚布獲春  
末夏初際迭逢膏雨雨夏仲略覺暎旋即霑優澍邇來



晴雨時勃長綠雲互如是祝速秋庶可屢綏賦憑觀生  
敬惕此景豈易遇

竹淨室

新筍已齊林依依布綠陰捎簷如却俗護徑致延深月  
入成三友風來奏八琳虛中與清影真足淨塵心

觀雲榭

一片雲來靈快雨一片雲去成快晴快雨沃霑禾黍潤  
快晴朗暴禾黍榮憑榭觀雲幸若此不似望雨望晴之

際觀雲都覺愁無比何脩而遇益恭已

夜雨

六月十六日

中宵清夢醒夜雨落簷鳴作勢方酣暢為聲若合并定  
知湖水長且幸數朝晴無寐心馳處惟殷望歲情

讀前漢書汲黯傳

踞廁視侍中如孟說各殊劉云當從孟吾亦云然乎

漢書

注如淳以廁為溷孟康以廁為牀邊側孟說似屬近理  
可從不則常人登溷尚知避人況人主乎即令宴見何  
難少須乃有聽其就溷入視之事曲解相沿蓋丞相弘  
特泥沛公如廁之文亦由馬遷誣記為作俑耳

宴覲時或不冠夫均應為輕之亦失禮貌無不冠不見  
黯遙望避帷趨其敬有如此何不重用渠然吾有疑焉  
治身禮樂須弗冠以臨下豈為恭已模蘭臺語過夸馬  
遷之同途讀史貴明理乃鮮失於誣

即事

時暘時雨占農協曰旰曰宵愜意寬便恐一心稍或肆  
益勤庶政有多端龍堆早是削平易難肋翻成進退難  
月過望旁生魄矣盈虛消息默憑看

月夜聞蛩

過望月上遲團輪已微欠清光則依然輕舟耐可泛沿  
緣沙岸邊唧唧聞再三聞聲不覩形岸草淒迷暗而我  
非歐陽五字亦吟挾

題方琮山水冊

松簧水樂

擘峽飛泉撐蓋枝山中交作衆音奇喬松彷彿語流水  
勝處子倡予和之

春江帆影

天外輕帆一片飛  
紅桃綠柳雨霏霏  
依稀記得春江景  
覽社菱絲是也非

雲關飛棧

劒閣橫雲天半看  
棧支絕壁曲盤盤  
分明天闕神奇境  
太白何云蜀道難

溪閣歸航

韜伏明姿甘堙曖  
卜居仿佛子雲亭  
歸航一任樵青棹

更不樛叢取晚汀

峽泉疊雪

陡峽淙泉落澗鳴噴流濺石似飛雲寒山千尺吾曾對

聽去猶聞淅颯聲

寒山千尺雪有聽雪閣南巡時賜名也

水亭來雨

天邊一片黑雲垂其雨原堪立待之颯沓水亭風欲滿

精神恰入許渾詩

渡口秋深

野水寒灘颯景殊  
渡舟空待渡人無  
呬風苦葉傳神韻  
印否應知有所須

潮平風正

潮退江平細波斂  
順帆高挂樂徜徉  
陸龜蒙語還堪憶  
風浪莫誇好不妨

錦林繡壁

刺綠柔紅簇錦枝  
雲巖相映迴稱奇  
誰知繡壁成圖日  
恰是杜陵得句時

梧庭步月

長吟月下石欄依影入高梧翠蔭肥獨步伊人應有憶  
定知遙憶謝元暉

林鴉晚照

夕照離離爛晚林歸鴉爭自故巢尋無端意改翻飛起  
帶得輝輝數點金

雪溪訪友

千林積素白皚皚訪友何人響屐來不著扁舟凍溪口



恐防人認子猷迴

移竹

伏雨既優渥心因農務怡餘事涉園林趁潤綠筠移密  
者去其繁疎者補種為矮者植諸岡高者蒔於坻須臾  
稍指示位置皆得宜矍然有所念於竹誠得之量材而  
授官可能或方斯

季夏討源書屋

書屋碧溪邊煌煌

聖藻懸詢

安常憩此撫景每思

前鹿卧閒庭草魚遊曲沼蓮

心傳將治法仰望總瞠然

出

暢春園觀稻遂至泉宗廟

清曉問

安詣暢春溪堂退食淨無塵疇咨勅政還餘暇觀稻因

之步輦巡

鱗塍處處綠苗凡踰月農功迴不同所願雨暘時此後  
西成未到敢言豐

長隄五里夾溪町欲穗秧苗過雨青大似攝山山下路  
柳圍花繞向江寧

廟潔

神靈信有之邇來泉盛雨還時都緣稼穡闕民命吾禱  
寧因或有私

題主善堂

書堂祠側畔據勝敞櫺扉峙背堯峯疊瀉前活水圍風  
來紅藹舞雨足綠陰肥試看昌昌者孰非善者機

向綠軒

高者樹葉綠低者稻苗綠為綠雖云同所向意有屬稻  
結實供食樹佈陰玩目有用與無用其殊無待卜雨後  
對芄芃蓄眼慰以穆

湛虛樓

築樓於墻內開窓見墻外墻外景如何近湖遠溝澮一  
碧湛虛明慰志生清會蓄水緣灌田亦藉甘膏需捨此  
無他喜所喜民天賴

輝淵榭

活水鋪石如雲流落下深激成淵湫其清見底梳荇藻  
中有幾箇魚兒遊輝映林巒入蔥翠憑窓聊寄觀瀾意  
觀瀾之意正無窮何必懷珠詡川媚

秀舉樓口號

遠山近水朗快晴登樓遊目真怡情挾藻摘毫意軒舉  
那論秀色難為名

樂清館

雨足真稱樂泉多故致清愜心契理趣觸目絕塵情  
篆緣墻寫蟬琴選樹鳴輕雲已歸岫一縷白仍橫

依綠軒

軒外有嘉樹綠意若依人涼風樹杪來墜露尚繽紛  
合翠扶峭倩蘸碧含漣淪色暎几席清芸編良具陳不忘

角弓詩杜老言如新

循隄遂至聖化寺南溪堂有作

快霽一天無暑氣良田百頃有新苗  
泉宗小駐應迴蹕且喜溪堂近不遙

風拂鱗塍爽且涼肩輿迤邐賞煙光  
綠苗簇簇將成穗已覺流匙玉粒香

古寺南頭別業開遂因路便一徘徊  
光陰迅矣更無暇兩月餘曾未到來

題含淳堂

堂祀碧溪臨漂然清暎心爽風來水面霽景落庭陰有  
攬皆歸靜無私不入深含淳該治理

聖訓緬貽今

數嘉室

宜詩宜畫景無盡時雨時暘慰莫加不啻適來觀好稻  
林光草色總數嘉

湛凝齋



波態澄而湛山容翠欲凝閒齋看合撰搦管得相應影  
倒一泓底光含窈上層憑觀意自足不必更言登

襟嵐書屋

假山雨足長莓苔翠色迎眸絕點埃影入澄波何所似  
青蓮向佛手中開

峯姿波態鬪清怡一雨物情無不宜擬笑栽桑猶著相  
寄情獨在夕佳時

翠邏青遮罨檻楹蟬聲羣喜噪新晴難為名處意為永

襟袖之間秀色盈

夜雨

六月十九日

終朝昨日陰間

去聲

灑未成霖忽落四更雨如聽萬瀑斟

暑炎避紗幌涼爽襲羅衾信可清諸慮仍成五字吟

喜晴

夜雨連綿遂達晨雲徂卓午霽光新籌農久略知農候  
經事多成畏事人祇此先憂憂不了欲圖後樂樂無因  
眼前雖幸逢時若未至秋收信未真

竹風

沃雨滋脩隸，嫩枝放齊勁。葉與介節隨意為，平聲高低

清風為

去聲

徐來。伯頃而仲篴，颯纒影如翻茗。邈望欲迷

對之暑全消，秋意露端倪。

荷露

膏霽既優霑，曉晴露華重。荷葉能承之，有似金盤捧。旭  
彩光蕩搖風珠，活流動那惜。碎離披，旋看聚合攏。何必  
求丹砂，即此是真汞。

左都御史張泰開在內廷授諸皇子書醇謹老成  
茲以八旬年老且病告歸特晉禮卿並加宮傳  
詩以賜餞

年過懸車又一旬南旋嘉與錫恩綸飄蕭白髮三千丈  
啓迪青宮二十春安得蘇仙授枚橘真成疏傳理歸輪  
梁溪水是還鄉水愈疾應知速倍神

題文嘉蓮藕淨因圖即用其韻

不是人間種疑生功德泉藕長還葉直實結復花鮮

圖中

花葉藕蓮  
蓬各畫一

四大或如是一空屬偶然性當何處覓聊示

淨因緣

雨

六月廿  
四日

半夜作霖遂達晨終朝斷續逮於申既霑便恐致乎過  
稍慰依然愁是真盡美因之期盡善宜人總不外宜民  
快晴三日知無礙究願時暘利隰昀

沈周溪午納涼圖即用其韻

松聲似與泉音答  
燕籟相於靜意偕  
散步溪邊日陰午

崇情直欲傲無懷

立秋

六月廿五日

火帝勢將退金官令始行風庭覺氣爽天宇看雲輕蛩

急莎間語蟬高樹杪聲農占真是好又值雨而晴

去歲立秋

日雨即晴占為有年昨夜雨今恰逢霽實為農慶云

題文伯仁仿王蒙山水

槑几閒憑古卷陳過溪喜復至嘉賓相商不過桑麻話  
自詡堪稱黃綺身橋下流泉激磐石屋傍與籟拂高筠

叔明略已得神韻豈在能工荷葉皺

泛昆明湖觀荷四首

快靄輕風暑欲消昆明湖水漲浮橈隄西那畔荷尤盛  
遂與沿緣過鏡橋

雨艱夏仲致開遲季月優霖酣放姿可識水華猶待澤  
競呈淨植照朝曦

高下霞衣襯綠裳微風香氣滿銀塘不同凡卉於何見  
態自飄姚性自莊

太華峰頭十分

去一

荷有高近一丈者則太華十丈想或有之

非從想像實

觀斯西南岸近睇佳榭便涉山軒俯覽奇

睇佳榭

山榭俯昆明溪風拂袖輕平消九夏暑低看萬霞潁香  
氣來几席波光蕩梧楹長隄界湖水厯厯六橋橫

暢觀堂

今日暢觀真暢觀時暘時雨致心寬平鋪北沼銀光漾  
一帶西山翠色攢自有微風襲細葛無須小扇動輕紈



玉泉塔影波中落認作兩高峰樣看

懷新書屋

西窓糊玻璃稻塍在眼底憑看樂無盡勝於看山水  
芄高出塍翠剡將穗矣過雨香欲生望秋近堪指陶句  
趣實佳吾懷正如彼

藻鑑堂

柳岸繫輕舫步登山徑邃山堂前有池鏡匱呈可譬惜  
哉信美處一歲率一至設如恣遊奕罔念為狂類藻鑑

乏知人其談豈容易

春風啜茗臺口號

今歲今朝始偶來  
茶鑪綴景設山臺  
春風過久秋風至  
究亦何曾試茗迴

水村居

陟降拏舟過水村  
水村佳趣略堪論  
秋翻桐葉青藏屋  
波漲玉河綠到門  
籬外漸看老桑亭  
埭邊還許育雞豚  
分明一段江鄉景  
比戶如斯未易言

借秋樓

霽景恰相宜金風復助之砌花形欲動窻樹影深移高  
望心隨遠偶來目覺竒秋光不須借滿眼已如斯

宿雲簷

英英淦淦寫簷深山下應知望作陰分付秋雲權此宿  
莫教飛去便為霖

澹寧堂有會

澹泊斯志明寧靜斯遠致相資亦相成由來非二事然

吾請進馬殊覺有深義凡欲求寧者舍澹無所自烈士  
勞徇名貪夫勞徇利所以不獲寧皆因無澹意

霽清軒

霽雨既云霽新秋氣更清曦臨碧宇朗雲向遠山橫桐  
葉初成落蔦秧已遍榮披襟宸欣處爽籟面前迎

夕佳樓口號

西山當戶畫屏排想像斜陽悅可懷都大迴輿不過午  
幾曾夕景玩真佳

李士達坐聽松風圖

謖籟枝頭清耐聽  
科頭箕踞欲忘形  
長松定已千年閱  
自課青童斲茯苓

晚晴遣興

六月廿七日

立秋

六月廿五日

夜復雨所幸不致大  
廿六陰弗雨細靈宵

間

去聲

作今朝乃廿七密雲散以破獨是炎歊劇恐致蒸

霖播屈指三日間愁慰兩無那傍晚觀快晴嘹亮蟬聲

和碧天淨纖翳高樹夕陽磨

叶

今夜晴始定一枕得宴

卧

題和闐玉達摩韋渡圖

江渡都稱一葦航  
抑神通也抑荒唐  
應真袖手輾然笑  
譽實不虞毀不妨

即目

水面浮天鷺水中遊  
錦魚投鱗置諸水  
魚鷺皆來趨  
喁與鷗喁相忘於一湖  
鷺無殘唼意魚絕深藏圖  
海上狎鷗人視此定何如

方琮松巖飛瀑

擘峽崢嶸勢赴溪  
汨瀾流有聲皆作冷  
無色不含秋  
喬樹雲為脚  
遠山空出頭  
到斯寂萬慮  
宋玉也忘愁

清溪書屋

暢春園中是處為

皇祖宴寢之所我

皇考改建恩佑寺以奉

御容乾隆癸亥奉移於

安佑宮逮今四十餘年有司以修葺告成敬詣瞻仰並  
紀是什

書齋樸斲碧溪邊玉几

親憑宛目前

盱食何由希烈駿

含飴惟是憶恩駢猶仍堂構秋風日迅速光陰卅六年  
況此

軒皇成鼎處雲天仰望益愀然



承露軒

古柯背籠屋碧水圍門撫蹟常思

祖肯堂敢忘

去聲

孫繼繩雖有志

魏蕩那能論樂利至今者猶承

雨露恩

就松室

老松不可移新屋實易築因欲近老松就築兩間屋窓裏攬蓋盤耳邊聽濤謖如對古大夫令人愉以穆子興

答景丑其言足三復

漫興

十朝弗雨率愁旱三日連陰已慮靈似此先憂恒往復  
那辭霜鬢不駸駸

題趙孟頫浴馬圖

浴罷青溪繫綠楊輕爬細刷圉人忙昂頭嘶處秋風颯  
寫出名駒意氣揚

早桂

玉華輦致亞窻斜

香山玉華寺為育桂之所今歲候早雨時故有放葩者園吏以獻

垂

粟縈縈色已嘉今歲特殊往歲景新秋早見仲秋花豈

其欲速同凡卉蓋以標奇異衆葩似傲窖梅與盆蕙火

攻下策孰能加

常謂梅蘭可薰而桂菊則不可蓋因秋氣肅也此桂亦偶因候早而放非花師

之能事云

### 新秋玉泉山

最喜金韃爽氣流曉雲無力向山收玉泉勝處宜必到

秋令方新恰相入

聲

投松下度輿含籟峭荷邊進舫襲香

浮旬餘晴晦縈心所幸是今朝一解愁

創得齋

松有清音泉有冷天無點翳地無埃始看秋景新如許  
也是今朝創得來

近青閣

高閣近青霄登臨意豁超魚之值晴霽真是叶秋朝風  
爽堪蠲扇山清宜入寮黍禾彌綠野憑望與同遙

飛雲峴

樸斲崇嶺幾架宜朝嵐夕靄棟間披天中片片雲飛去  
即景欣看正是時

題麗矚軒

陟攬肩輿趁曉涼崇椒數息莅書堂一天雲霧消何所  
每歲新秋到以常稗柏放枝陰張王二字皆去聲疎花承露  
氣芬芳暢予麗矚非山水農景看欣時若暘

練影堂

登高必降下背山即臨水山秀而水清玉泉佳以此是

時西北風水面漪瀾起氣霽暴秋陽西成將逝矣練虛  
詎供服倉實庶可指

倚晴樓

今日晴真好登樓意愜然雲閒去以盡心愁脫如蠲林  
影搖高岫乘華遍大田葩經能背讀七月合幽篇

泛舟出水門遂至影湖樓

沿園四面有圍墻提閘水門可放航順水航如建瓴勢  
阪馳駿馬足相方

目難容瞬意難思倏過水門半里移記得前番翔鳳艇

南巡所  
御舟名臨清閘更迅於斯

延樓摩豁水中央至止石欄且繫航拾級據牀成小憩  
風來八牖曉秋涼

果然天淡雲閒候幸值神清氣爽時把筆句從何處得  
宜人景在鏡中披

題唐寅溪閣間憑卷

水繞山園依絕區石墻茅屋足清娛高人溪閣間憑坐

羨彼心中一事無

西北風

連朝西北風天高晴已定  
碧宇無片雲皜皜晶陽映  
不惟利郵程實喜資農政  
銅雀逮鳴時華黍阡陌亘  
綏屢近可期益慰益增敬

泛月

新月濶於鉤雅宜載以舟  
可孤七月景又是一年秋  
淡影林端照寒光空際流  
行將駐塞館策騎更山遊



孟秋恭奉

皇太后幸避暑山莊啓蹕之作

歲歲行秋奉

大安

康強欣侍

萬年歡一天霽景人心爽七日吉程馬足盤

自京至熱河吉行七

日程圖逸不教

平聲

進輕輦習勞常是控雕鞍村民趨覲無

呵止十分

去聲

三供例與寬

凡所經過州縣正供例免十分之三

過清河橋

御苑曾無十里程高撐兩岸石梁橫東流水細全歸壑

都為

去聲

快逢七日晴

清河橋南與橋北一例芄芃寶稼攢七日行程今日始  
前途更願勝斯看

午熱

午熱今逾昨行宮早駐旌不妨啓北戶却喜迫西成乘  
野鷗禽噪柳陰牧馬鳴傳宣地方吏前席訊民情

早涼

早行趁早涼  
曙色吻東方  
馬上添衣合  
柳邊按轡長  
曉風猶覺峭  
昨熱忽全忘  
稔阪露華重  
纍纍穗漸黃

過白河

浮橋緩渡白  
遂河潦水已盡  
流微波出邊  
入邊凡幾折  
赤城遙源觴  
濫多漲來成  
橋實難事漲  
退成橋亦甚  
易有鎡基不  
如待時世間  
萬理皆一致

過九松山放歌

九松之松數百十祇今惟識九松名孥巖老榦不可見  
其可見者率乃百年以後之所生龍蔥過雨如滴翠颯  
沓臨風自在鳴寺僧箇箇粥飯罐既難述古亦復不知  
苑枯存亡均一夢幻乾闥城因思攝山九老今猶在攝山  
有九株松相傳為六朝時物山僧珎為古蹟信哉名實俱收是惟南國之風  
情

要亭行宮晚坐

白檀尋古路綠樹入行館沿途寶稼看慶慰誠不淺近

山風益爽片雲亦驅遣納涼復清暇適可芸編展覲揚  
緬周書休助遵夏典

南天門攬勝軒作

昧爽乘涼陟嶺逵行行曙日萬山披青芙蓉表尋詩趣  
銀世界中閱畫姿到寺傳餐如昨日

每歲秋巡率於此停蹕傳餐憑

軒攬勝又斯時九關虎豹騷人賦寓意吾猶懼在茲

出古北口

塞關歲歲此途遵闕闌歡欣接駕民祇有殷勤籌富教

那更

平聲

往事說嬴秦

將謂秋風出塞涼日中焚熱拂征裳金官酌劑人知否

火迫良田穗染黃

水抱山環盤曲蹊兩行綠柳布陰齊今來幸似去年景  
禾黍鄉中度輶輶

熱

塞外宜興涼翻覺熱如許其中有權衡明朝當處暑炎  
官設孤注焚尾力一努固知屆秋後長此安容覩獨是

蒸山雲夜來慮作雨

雨中過青石梁

夜雨連纖曉未收製衣

六書正謚  
雨衣謂製

亦復發行騶途中霧

霈乃愈甚馬上逍遙那可留荔阪都成千瀑落蘭蹊忽

作一川流石梁過不逾十里別館常山稱

去聲

憩休

下青  
石梁

復過一黃土坎即常  
山峪行官計里甚近

晴

過午天中淨斂雲晶陽高暴散濃霧白含沙岸魚鱗影

翠現石峯螺黛紋晴值孟秋真叶序風來西北果超羣  
宜農仍復利行旅即景拈吟慰以欣

駐喀喇河屯

建置伊誰此黑城

蒙古語喀喇謂黑河屯謂城喀喇河屯黑城也又訓為舊城云

興桓

舊蹟究難明即今埤垠無從覓便是岡巒已遍耕綠蔚  
良苗滋沃雨黃蒸實粟喜新晴山莊近矣明朝到行館  
依然且駐旌

灤陽別墅有會



山南謂之陽山北謂之陰水陰則南岸水陽則北潯山  
水似相迂其故在日臨不同之大同理趣宜玩斟拘墟  
苟循名刻舟惟褊心

翠雲堂

別墅築灤陽依巖復構堂有雲都是翠無樹不含蒼遊  
目屬空廓研精寓縹緲雨過風益峭納得八窓涼

虬蓋亭

四面橫拖嵐翠半空平捲秋聲眺聽今朝大愜都為宜

時快晴

小金山

有樹則槎枒有峰則岵岵一拳肖浮玉勝之以小許放  
眼鴻濛外彼金亦粒黍

至避暑山莊作

灤陽計里不由旬

自喀喇河屯至山莊祇三十餘里梵經一由旬謂四十里

按轡清

晨度廣仁

嶺名在山莊西

闌闌至今踰萬戶

萬家煙火隨民便皇祖詩句也

蒼黔自昔仰

時巡撫茲敢懈繼繩志睠彼依然樂利民更有予衷深  
幸者山田欣閱屢綏頻

詣永佑寺瞻禮

神御

神御欽如在山莊况

所欣萬年

家法示永衣

去聲

德音聞過雨山容淨拂風花氣芬樓前呈色相依舊似

歌薰

碧峯寺

山寺寥寥不著僧  
青松蒼鹿自相應  
何須更藉金繩度  
已是諸天寂上層

味甘書屋

寺後有隙地可構房三間  
竹鑪置其中乃復學惠山石  
泉甘且潔就近聊烹煎  
中人熟伺候到即呈茶盤  
我本無閒人亦不容我閒

叢碧樓口號

底事遊眸不覺寬  
四圍山樹碧雲攢  
拈吟聊復酬風景  
欲去陳言夏夏難

秀起堂

秀起衆山頭  
到茲必憩留  
舊年如昨日  
今歲又新秋  
萬樹鳴相答  
千峰翠互流  
適來清蹕路  
一髮見西溝

坐堂中廣

仁嶺及西溝  
皆可望見

振藻樓

山樓萬景固常披皓日清風又一時占却仙莊七十二

避暑山莊前三十六景後三十六景凡七十二皆有詩行將振藻始於斯

經畬書屋

峰巒岿嶿一窓虛到即言旋那久於書屋似應顧予笑  
幾曾經訓此畬畬

題宜照齋

擇向尤宜隨地勢築齋窻戶正開西千峰夕照呈當面  
一室虛明雅入題翻葉林間閃金碧過雲堦下幻高低

此情此境本太古靜者於斯自取携

就松室

百歲之松不可移三間之室實易築邇來解會箇中趣  
每就喬松葺樸屋嘉陰却暑張童童靜籟翻涼吹謖謖  
致我片時坐挾箋猶覺長言之不足

却炎榭

秋田都喜暴時暘婪熱雖騰正不妨敞榭雅宜古松下  
却炎千里祇饒涼

泛月四首

山莊初到月幾望更值晚炎稱

去聲

泛舟似是纖阿有神

解不教此獨擅山遊

山莊過望月遲上每策騎遊山故昨於御園泛月有行將駐塞館策

騎更山遊之句

清到塞天無更清明當秋夕是真明  
碧琉璃界虛無表  
著箇扁舟汗漫行

四圍山色入蒼茫一片湖光生峭涼  
貪看空澄接寥朗  
不妨添著夾衣裳



清風徐不水興波赤壁之遊想若何  
所惜髯仙斯未到  
到斯奇句定應多

御製詩三集卷七十五